

74

L E

p

1627

239

3996

RESVEIL

DV SOLDAT
FRANÇOIS.

AV ROY.

*Sur la iuste punition du
Marquis d'Ancre.*A PARIS,
Chez Estienne Perrin, rue
Iudas.

M. DC. XVII.

8 pp
coll
m
78

(932) 101-83 ACC

LE

RESVEL

BY GOLDAT

FRANCOIS

AN 20X

de la ville de Paris
Municipal de France




A PARIS,

Chez Etienne Pétit, rue

du


M. DC. XVII.



LE RESVEIL DV
Soldat François.

AV ROY

*Sur la iuste punition du Marquis
d'Ancre.*



I R E,

Il y along temps que ie
sommeille dans mes in-
quietudes, & que la mo-
lesse d'un cheuet caffard sert de
charme à mon deuoir & à mon
obeyssance: i'en requiers le pardon
à vostre Majesté, & la supplie tres-
humblement d'auoir eügard non à
ceste mienne paresse, mais à la crain-
te qui voiloit cy-deuant mes plus
iustes intentions.

A ij

Vostre Majesté, Sire, le sçait trop mieux, & m'assure qu'elle n'entrera jamais en doubte des seruices que ie luy ay voité dès ma naissance. Je m'accuse de negligence à la verité : Car encores que sous vostre Nom i'aye endossé le harnois, couru les risques d'un fidelle pour son Roy, si est-ce que ie recognois toutes ces fatigues, n'auoir esté aucunement necessaires pour la manutentiõ de vostre Estat; ainsi aduoüe que c'estoit propremēt dormir aux sons enchanteurs des Sirenes, lesquelles neantmoins ie n'osois refuser, craignant la perte de la vie, & le deshonneur de ceux de ma race.

Graces à Dieu, les eclypses qui sembloient obscurcir la lumiere de vostre Puissance sont reduittes au neant, comme les Atomes de ses réuardes Philosophes passez. Demaniere que d'oresnauant mon espée tranchera librement pour vostre respect, & pour l'assurance de vostre

Estat, sans qu'aucun puisse esclauager en aucune façon la liberté de mes intentions.

Grand Prince, ie sçay bien que vostre Iustice pourroit me marquer de quelque espece de crime, ayant combattu sans l'expres commandement de vostre Majesté : mais sa clemence qui peut surpasser toutes les fautes que l'on pourroit commettre, me donne vn tel espoir de tenir mes actions pour innocence, que librement ie viens à ses pieds luy redemander la vie & le pouuoir pour cōbatre deormais pour son seruice.

Le feu Roy vostre pere (que Dieu absolue) entre toutes les plus rares perfections dont il estoit orné, la Clemence estoit celle qui luy donnoit le lustre dans l'Vniuers, & qui le faisoit aimer d'vn chacun. Aussi, Sire, vostre Majesté estant l'heritiere vniuerselle de ses perfections, il est indubitable qu'elle ne supplée au defaut de l'incapacité, dont ie la

requiers'aucc autāt d'humilité que faire ce peut, en consideration de l'integrité qui gouuerne mes sens, & qui regira pour iamais le tefmoignage de mes actions.

Aussi, grand Prince, combien que vostre Majesté paroisse desia comme vn Soleil dans le Ciel de vostre Royaume, faisant executer selon la Iustice vne partie de mes humbles prieres, sans doubte elle sera tenue pour vne Diuinité incomparable sur la terre. (Espoir tres-certain de tous ceux qui desirent viure & mourir en qualité de vrais François.)

Faiçtes le donc, Sire, ie vous en coniure, puisqu'à present vos libertez n'ont plus de bride, & vous verrez qu'en mesme temps mon espée tranchera furieusement contre tous ceux qui auroient la hardiesse & la temerité d'vsurper le moindre pouce de terre dependant de vostre obeyssance: car autrement ie serois contrainct de donner moy-mesme


le congé au desir qui me possède de vous seruir iusques à la mort.

Vous auez eu, Sire, en apparence tant & tant de seruiteurs, des estrangers vos terres ont esté couuertes: Mais helas, à quel dessein: c'estoit ce dit-on, pour refrener l'audace de vos ennemis: moy-mesme sous ce pretexte ie me suis abusé. Et neantmoins si tost que le Ciel vous a fauorisé, & que l'esprit le plus celeste & le plus diuin vous a leué le crespé qui ombrageoit vostre iugement: si tost, dis-je, on a veu vn agreable changement; & au lieu de craincte & d'esclauage, chacun a mis son cyprés de doleance sous les pieds, & cueilly les roses & œillets d'un nombre infiny de contentemens.

Puisqu'ainfi est (magnanime Prince) commandez librement à vos subjets, de grace reconnoissez leur fidelité, & puis que la France n'a plus d'autre joug que le respect merité, fauorisez ses legitimes enfans

tenez les tous en vostre protectiõ & sauuegarde, & lors ceux à qui la doctrine & le iugement gouuerne les actions, seront fortifiez : ce seront des Salomons en vostre Conseil, des Marius en vostre Senat, & des Pythagores qui feront la leçon pour l'exercice du culte diuin. Les autres qui tirent leur gloire & leur aduantage par l'espée, ils seront encouragéz de mourir pour vostre seruice, sous la croyance qu'ils auront non de mourir, mais bien de viure, estant pour vn si digne subiet.

F I N.



Digitized by the Internet Archive
in 2010 with funding from
University of Ottawa

